

Podengo Galego

13



Breve historia.

Este tipo de animal xa estaba presente no antigo Exipto (IV milenio a. C.) e era coñecido co nome de tesem ou lebrer exipcio de orellas rectas, así como tamén en Eritrea e Somalia; proviña moi probablemente do antigo can neolítico das sabanas saharianas, do Sáhara central alxeriano (VII milenio a. C.), sendo estendido polas rutas comerciais, ó longo de toda a conca mediterránea, sendo así mesmo apreciado polos romanos para a caza do coello e da lebre con redes en Hispania.

Aparencia xeral.

Tipo primitivo, graioide, tamaño mediano, lixeiro, sublonxilíneo, tipo dolicomórfico; moi rústico, austero, sobrio, áxil, con gran capacidade olfactiva, auditiva e visual, xunto coa astucia.

Movemento.

Paso longo e de movementos moi rápidos, saltaríns e de gran velocidade.



Temperamento e comportamento.

Animal levantador da peza (non mostra). É un cazador astuto e pícaro, incansable, verdadeiro auxiliar para o cazador, pois ademais do nariz emprega moito o oído e a vista en apoio do olfacto. Caza a paso rápido que alterna co trote na busca, de forma continua, ventando ou baixando a cabeza na procura do rastro. Cobra ben a peza ferida, portándoa ó cazador. Se adapta a calquera modalidade do terreo, situación e tipo de caza.

Moi adecuado para acompañalo cazador solitario, na modalidade do salto, xa que non adoita afastarse en exceso, realizando unha busca de 30-40 metros ó redor.

Pel. De mediano grosor e pegada ó corpo.

Capa (cor). Unicolor canela en tódolos seus gradiéntes, desde a cor area a avermellados, exemplares figado/chocolate, ocasionalmente animais brancos marxados en canela ou laranxa. Frecuentemente acolarados, manchados no peito, testa, cola, punta dos pés, e tamén calzados en branco.

Pelo. Semicurto ou de mediana lonxitude, grosor e denso. En ocasións presentan algúns pelos algo máis longos e grosos ó redor do fociño.

Alzada á cruz.

De 42 a 52 cm:

Machos de 46 a 52 cm. Femias de 42 a 46 cm

Peso.

De 10-15 kg.

Podengo Galego



É un animal dolicocéfalo, sendo a lonxitude da **CABEZA** aproximadamente 4/10 a alzada á cruz. O **CRANIO** é reducido e plano.

DEPRESIÓN FRONTONASAL é pouco acentuada.

O **FOCIÑO** é longo e delgado.

O **NARIZ** é saínte e anguloso, con ventas de boa abertura.

Os **BEIZOS** son pequenos e apertados.

Os **OLLOS** son vivos e expresivos, lixeiramente oblícuos (semilaterais), de forma ovalada e de cor acorde coa capa.

As **ORELLAS** son erguidas, de forma triangular, de tamaño medio e anchas na base, moi móviles.

O **PESCOZO** é levemente arqueado, musculoso e ben proporcionado.

As **EXTREMIDADES** son gráciles, coas verticalidades longas, rectas e moi fortes, áinda que con óso fino.

CORPO rectangular.

A **CRUZ** é longa e estreita.

A **LIÑA DORSOLUMBAR** é recta, o lombo curto, largo e flexible e ben unido de forma continua co dorso.

A **CRUZ DOS CADRÍS** é media, recta e larga.

O **PEITO** é medio e con tendencia á profundidade.

O **COSTELAR** é pouco arqueado e alongado.

O **VENTRE** é recollido pero non retraído.

A **COLA** é de inserción alta, de tamaño mediano e provista de pelos algo más longos. En repouso descansa caída ou levemente arqueada; en movemento eléva arqueánda sobre a cruz dos cadrís en forma de fouce.



As **EXTREMIDADES ANTERIORES** posúne unhas costas (escápulas) lixeiramente inclinadas respecto da liña horizontal, cunha abertura duns 50º. Os pés son de forma ovalada.

As **EXTREMIDADES POSTERIORES** teñen uns **PERNÍS** longos, musculosos e oblícuos, coa **NÁDEGA** alongada e algo descendida. Os **PÉS** son de forma ovalada, con presencia de esporóns, que non son desexables.